

歐

北

集

甌北集卷四十一

己未
庚申

陽湖 趙翼 雲崧

己未元旦

飲罷酴酥最後觴
履端復此慶農祥
觀書眼暗情猶戀
思子臺空痛未忘
老閱年光如愈駛
閒無日課轉尋忙
青紅省記兒童事
七十年前上學堂

大行太上皇帝升遐恭輓四章

堯年寒積雪崇峩

去臘大雪

龍馭俄傳上絳河
壽到耄期千古少
功兼創守一身多
人悲送佛歸靈竺
天爲迎賓掃大羅
六十餘年恩澤溥
那禁薄海淚沍沱

聖德神功邁百王內綏區宇外開疆直無一事畱餘憾
惟有千秋頌不忘治婉勲華金大定金世宗紀人稱小堯舜政嚴綜核
漢元康邽隆不侈云亭禪彌見持盈有道長

宮闈德壽晚延暉預簡

元良授萬幾付託得人堪脫屣昇平繼體正垂衣納從
舜麓艱先試見有堯羹色豈違

陟降在天應大慰紹庭一樣切民依

忝竊朝簪二十年入供館閣出籌邊每叨除授皆

親筆

京察記名出守兩粵從軍滇南推貴西道皆出特旨

歸免饑寒尚俸錢搏額有哀

頻搶地攀髯無路但號天也知草土悲何益回首觚稜

淚自漣

感事

相星忽報圻中台恩寵由來是禍胎
共識都盧撞最險不虞霹靂斧真來
姓名久屬千夫指氣燄俄消一寸灰
老去香山感時事龍門詩豈幸人災

梁家朱异漢江充都在英君駕馭中
只覺可供驅使便誰知已竊笑嘲工
九天咳唾風雲變四海苞苴杼軸空
好個家居幾撞壞豈容還作黑頭公

聞道鈴山簿錄時世間無此擁高貲
窖金已錮藏舟壑琢玉兼裝浴室池
豈憶出身從委巷依然空手赴冥司
可憐臨死猶癡甚又想黃樓五丈旗

秋風賓客孟嘗門頃刻炎涼局頓翻
往日肉羶趨螞蟻

祇今樹倒散猢猻尙憂瓜蔓抄將及轉恐冰山倚有痕
太息沙堤高閣裏一時多少未招魂

春雨

連日春陰似臘寒正當

哀詔到江干故應天亦頻垂淚細雨如絲灑不乾

春寒

買得羊裘價十千料應溫暖勝常年誰知天又非常冷
依舊凌兢聳兩肩

邸抄

新詔傳來事事宜弛張都立太平基正當地坼天崩痛
恰是星回歲轉時國有

長君天下福朝無倖位百工釐始知景運綿長處代有
英明御四維

九霄默運斗杓旋第一先收佞倖權龍衮班高將極品
雞棲樹老已多年灰釘敢效繫臣乞帷蓋猶蒙

聖主憐從此百僚咸動色要津誰復敢夤緣

詔下人人感涕流同民好惡見

皇猷芻蕘博採千官疏花萼相輝百尺樓黃髮召歸龍
尾道翠雲焚卻雉頭裘由來

乙夜觀今古總作璇樞布政優

頻年烽火熾三巴

睿照今周萬里睎已警處堂嬉燕雀詎容起陸沸龍蛇

一壇拜將專威柄新設經畧以專貴成百道催軍走傳車卽此

廟謨先扼要何難蕩掃靖萌芽

聞時齋副憲遷秩少司寇喜賦卽寄

一紙除書下赤墀欣聞汪澈復台司向來不肯因人熱

垂老終看結

主知解網時新詔斷獄不得律外加重當疎節目文簪毫家本備論思文

師在政地最久佇看晝接承

恩渥曳履從容入鳳池

子公氣力可推輪不傍權門自致身選却十年爲宰相

要教兩世作名臣崇班漸近中台地宿望今推老輩人

莫恠江村聞信喜師門調燮有傳薪

哭敬輿內弟

亂鴉聲惡報清晨噩耗驚催淚滿巾
十日以前猶過我
七旬相伴更何人
精嚴詩律閒逾進
貧賤交情老更真
京館殘燈村店酒
一卮追想一傷神

早年科目壯年官
猶帶書生一味酸
舊譜不翻爲政易
古粧雖雅入時難
歸來且喜消春永
老去方期共歲寒
那得披帷無一慟
白頭林下最交歡

連日大僚多暴亡
相傳爲失輿援懼
株累也口語
無稽書以一笑

鈴閣俄聞蒿里聲
馬肝共說食文成
一抔土縱堪逃禍
萬口碑終不徇情
豈比遊仙雲鳥去
剩攜使鬼紙錢行

只憐自古誰無死偏與人傳破膽驚

雨中杏花

四海方深過密哀今年春色總如灰杏花知道無人看
不待晴開趁雨開

又雨

梅已全飄杏又殘重寒猶未脫吳綿今年只當無春月
雨雨風風過禁烟

題管松巖蒲團小影

達磨原是老臊胡莫怪于思愛結趺卻笑未將何肉去

如何便肯饒伊蒲

君家飲饌最精故戲云雨

五月望日俊兒婦湯病歿老年人頻見此事何以

遣懷感賦

西河痛隔兩年春又報蘭階撒瑟晨衰至總無如意事
老來頻哭少年人榴花帶雨如紅淚螢火隨風作碧燐
暮景自知無可挽白頭燈影獨傷神

老境

老去塵緣百念灰如何觸緒又悲來兩房八个孫男女

一半稱孤一半哀

無父稱孤無母稱
哀見溫公書錢氏

接同年李雨村觀察書乃嘉慶二年十一月朔日

自綿州封發兼附雨林詩話十六卷採拙詩獨

多感賦四律寄答

不見李生久今朝接寸箋來原經萬里到已歷三年想

像鬢眉老傳聞子弟賢京華舊遊跡振觸一燈前

天各一方遠年皆七秩餘料無重見日但望再來書豪
氣應猶在交情故未疎採詩偏我厚百首累抄胥

此書前歲發蜀土尙無虞豈意魚鳧國今成豺虎區可

能扶老杖當作辟兵符莫是將軍號真教展壯圖

君京宦
日人呼

爲小季
將軍

得信知君在其如寇禍侵遙知驚夜火不敢響秋砧契
濶同年面迢遙兩地心憂時兼憶友不覺涕沾襟

雨村書中謂督學廣東時余予以拙刻贊詢厚贐

而去僕初未有子入粵也蓋他人假答干謁耳

書以一笑

一紙書來事大奇老夫被販不曾知是誰甘謂他人父
顧我從無外舍兒表丈不妨聊暫借見唐摭言故人且免
去窮追見樂石林玉潤雜善楊衡事只慚畫餅名何用未足供渠干謁資

張孝女詩

求死可得死求生未必生況以生代死天亦難徇情何
哉張孝女禱天天竟許捐兒弱草塵續母長命縷一寸
心香向空祝若有人兮司命祿遂將點鬼簿輕翻試手
移花來接木女無疾而逝母垂絕而甦二豎換膏肓
刻撻鼓桴曾聞閻羅令最肅遊岱覓難百身贖如何註
籍乃可更由來天眼鑒至誠庸行翻成怪奇事求死而
死生而生獨恠金縢旦代某翼日有瘳旦仍壽活母必

以女命償冥司母亦太辣手孝女在天早含笑母已得
生我何悼

擬老杜諸將之作

西南蛇豕尚縱橫倣擬遙傳遍刻城民被賊驅從作賊
將嫌兵少乞增兵風腥滿路尸陀氣月黑千山杜宇聲
率土清寧秦蜀擾蒼茫天意迥難明

萑苻未掃一年遲特起蒼頭又幾支奔逆人皆牛殼鯨
飛揚賊有虎胭脂中多徵兵空歷重關險駐旅曾無一矢
遺總爲修羅能障日遷延釀禍至今貽

盛世何因發殺機迫原禍始定誰歸時平宦囊窮民力
亂起兵塵費國威尚偉脫身逃鼎鑊可應填腹飽珠

璣如何

明詔教彈劾不見封章到瑣闥

露布頻聞奏捷書揭竿隳突益焚如城空官已同流贅
過兵皆拾唾餘風鶴警來惟早避幕烏啼處且安居
也知草竊成何事只是何人去勦除

兵聞拙速久難工初起潢池易掃空將略誰防滋蔓後
軍儲徒耗養癰中頻年坐甲芒俱蝕今日需糧力漸窮
那不令人思賈鄧專征出每早成功

益州沃野錦成堆今日川原半草萊刮地搜殘深簪粟
連營炊散盡梁灰焦頭救已愁災熾生齒繁應有劫來
好片平疇荒不種清泉灑灑漫蒼苔

堅壘深溝各保家村村團結拒車巴匹夫倡義皆肝胆
衆志成城亦爪牙獷鹵莫嗤包疙疸驍雄或有郭蝦蟆
見金史皆鄉民起義者勇於公戰非私門獎勵還應式怒蛙

早敷解澤散妖氛梟獍何知竟罔聞祝網已開生路走
死灰偏熾燎原焚紆遲充國屯田議辛苦相如諭蜀文
不勦斷無招撫法亟須一挫犬羊羣

喜聞勁旅發三韓

新調黑龍江兵

從此軍應薙草營萬騎無聲秋

入塞千盤有路曉搜山烟騰列竈連天熱風勁雕弓滿
月彎早晚綠林俱掃迹歡聲笳鼓唱刀環

三十餘年臥故林何期戎馬動愁吟無才徒作憂時語
未死終懸報國心烽火何時停戰伐江山依舊好登

臨老來光景無多日要聽銷兵大凱音

山行看紅葉

十月清霜萎綠莎翻看紅錦絢山阿天公也有才人習
晚景詩尤綺麗多

秋成大稔喜賦

德政覃穹宇嘉禾滿繡塍

聖君真七作豐歲恰三登但看秋成稔緣知泰運升西
南諸寇盜爾尙不知懲

欲識盈寧象歡聲四野俱村伶都長價頑佃亦輸租總
覺人情好應無吏帖呼江南真福地何幸老潛夫

湖上夜泊

上塚夫椒塢湖千夜守風深林千樹黑遠火一燈紅節
物驚秋盡收成喜歲豐村村聞打稻齊趁月如弓

感事

莽莽巴東路刀兵劫未過亂山皆賊有死鬼比人多誰
破摩雲寨虛傳挽日戈感時傷老憊白首嘆蹉跎

甓社湖隄守風

秦郵方掛席甓社忽停舟鬱怒風成塊狂飈浪出頭不
圖險有此自笑老何求漸覺寒威重呼童檢敝裘

蔣峙南中丞致政後

特詔起總督漕運淮堧相晤敬賦奉呈末章兼寄費芸
浦制府二公皆余門下士也

敷歷巖疆宿望崇引年人更仰高風

帝因轉粟煩劉晏人比懸車起潞公威令早行升龔減
苦心仍濟舳舻窮一封愷切論漕政共識儒臣體國忠
致政歸田鬢已絲何當重作出山時老求身退偏難退
清畏人知己共知薊闕陳情詞懇欵秦關回首路逶迤
祇應天假良緣便白首師生再見期

桃李門牆樾蔭叨三江節度八州漕射堂演武森千騎
畫簷催綱押萬艘愧比王通羅將相敢誇裴皞識英豪
一莊兩督增光處不在官高在品高

白袁浦歸途作

訪舊清淮數日聞櫓聲如雁下揚州湖中村似浮波而

潦後船猶出岸頭天降豐年無德色人聞新政有歡謳
時方禁漕務 江南滿眼熙恬象不枉衰遲作近游
浮收之弊

新豐道中

過江風峭片帆輕沽酒新豐又半程高岸土畱開鑿迹
獨輪車碾轆轤聲餘糧棲畝鴉猶啄疎雨膏田犢已耕
向晚市橋燈火滿郵籤早到呂蒙城

馮涇道中

間道出江郊舟輕水不膠一條河路暗兩岸樹陰交村
火有時閃漁榔何處敲幽栖須地僻安得此談茅

不覺

不覺喟然嘆蹉跎愧此身無窮千古事只作一詩人炳

燭空勤夜栽花已過春
茫茫天地內斯意向誰陳

戲題白香山集

風流太守愛覓消到處
春游有翠翹想見當時疎禁網
尙無官吏宿娼條

逆風翁

閒居無事屢作近游然
每出必遇逆風操舟者
遂呼爲逆風翁此聲旣揚
凡雇船必索倍價書
以一笑

無端調語出篙工
署我頭銜笑路窮
半世詩名滿天下
老來改喚逆風翁

莫怪呼舟索價添
經旬載我拂征衫
可憐行盡江南路

千里何曾一掛帆

爲遣無繆作近遊六張五角似相讐故人若個畱儂酒
辜負多情老石尤

馬卿情緒倦遊中豈復貪爭破浪雄爲語封姨莫相戲
先生老矣怕頭風

夜臥觀書

漸少黑甜味三更目炯然若無書引睡曷度夜如年欹
枕斜看字拖衾側擁肩笑呼黃嬪子賴爾得安眠

華墅

近遊百里覽郊原柔櫓來過華墅村山勢不高猶翠色
江流雖近少潮痕朽株藥借籐牽蔓崩岸泥懸樹絡根

東去相傳多古蹟暨陽城控海爲門

秦望山道中

秦望山邊路冬寒水落槽蒲編包籠賤

鹽

石築堵牆牢

過斷船搔背

寒

燒荒地燎毛鄉村淳朴象真可隱東臯

爲偉兒覓葬地

青烏家言始東漢四世三公墓前斷區區枯骨福後人
此語難憑本汗漫然而世既有此術亦是慎終一籌算
所以考亭宋大儒曾推元定秘獨擅我昔葬母夫椒巔
今又爲子尋牛眠登高望遠浩長嘆纍纍荒塚何縣延
一塚地堪一人食廢却耕稼爲塋阡地下人多於地上
更千百載將無田古聖創法安體魄惜未慮久但目前

伊余豈能矯俗例百里川原遠擇地先以目力揣足力
度可以至果能至遂窮前齒後齒屐踏盡崎嶇闌榛翳
初從起伏追氣脈復向迴旋審形勢直流恨不曳使環
破岡幾欲驅之避千搜萬索力已疲纔得一區稍可瘞
嗚呼此事屬兒孫翻爲兒孫覓窰竈白頭孤影斜陽裏
腸斷江南黃葉村

閩邸抄官軍連捷擒戮賊首多人餘賊可次第勦
除矣誌喜

作賊何曾到白頭果然隊隊入俘囚向來正倖吞舟漏
今日幾同揭鉢收自用兵來無此捷但聞聲處總應愁
負嵎伏莽諸烏合那復殘寇釜底遊

重過靈巖山館

靈巖山館好菟裘老友重過淚暗流
嗣祖早亡猶是福武安若在恐難留
春風亭榭花誰看落日林巒鳥自投
終是生平風雅報及身得免喚朱游
漢書蕭望之傳
旌麾三楚鎮雄繁預擬歸開北海樽
得地猶依採香徑籍官幸免奉誠園
會心魚鳥應餘慨過眼雲烟尙有痕
太息平泉空作記不曾終老此邱樊

息陰

三十年來久息陰而今壯志益消沉
偶觀書但供游目不作詩因怕費心
身老豈堪還舞袖時艱敢幸早抽簪
祇餘恤緯情猶切頻問西南戰伐音

嘲梅

正無花候拆寒苞巧結騷人淡泊遭若使開於紅紫內
更誰來賞格孤高

除夕喜雪

冬暖常憂得雪遲得於除夕尙當時製成鶴筆無誇處
火急披肩去覓詩

新春寒甚

庚申

桃符比戶換春容偏是經旬雨意濃閨歲本來多一月
新正只當隔年冬

元夜無月

元夕重陰隱月光更何情緒踏城坊閉門閒喚孫男女

齊點紅燈舞後堂

暮雪

雪花如席壓炊烟萬籟無聲薄暮天我似凍禽啼不語
忍寒危立老梅邊

時南漕督雨疏乞休得

旨赴京另用書來言別寄此送行

此調今人久不彈乞休雨疏駭旁觀正看榮作八州督

漕督總理
八省運務

誰肯輕拋一品官側席仍教趨殿陛攀轅何限

泣河干初衣莫是傳衣悞效我中年早掛冠

釋褐西還悵各天

丙戌初後一
別直至今

音塵祇藉尺書傳忽來宦跡

三千里得慰離懷四十年樽酒纔傾淮浦月行旌又指

薊門烟此生重見知何日都是龍鍾雪滿顛

宗室公思元主人虞山女史歸佩珊各以詩來乞

序同日寄到感賦

銀潢貴胄金闥媛同日詩來乞齒芬海內猶推識塗馬
誰知老已不能文

題女史歸佩珊繡餘集卽寄

施嬾以美傳誰識春風面惟有才女吟脫口易傳徧一
片靈妙心世遠人尙見所以閨閤姝能詩務研鍊虞山
歸佩珊高門烜江甸學從母氏授情諧夫壻倩慧業夙
世深晨夕事筆硯閉門不見人獨與古人戰貽我繡餘
集兩詩乘臺先氣兼鬢眉雄學窮騷雅變清芬空谷蘭

潔白澄江練盥手一披尋雋味耐咀嚙劉楨敢平視杜
牧但驚美有客持迂談謂此太自衒桐言且不出況露
文采絢豈知絕世才孰能作暗牕解圍青幃紗織錦廻
文線風流自千古壓盡青雲彥何須女道學塞嘿守庭
院愛名本同情挾藻有獨擅行看玉臺咏增入列女傳

楊舍城北登望海樓

暨陽城北皆洪流尙是江尾已海頭何人好事欲窮覽
傍涯築起凌霄樓我來拾級快登望六十里沙爲外障
障外卽是滄波涵果然一豁心目曠曾披載籍徵典故
陰火陽水莫名狀橫爲摩竭豎難陀鼓鬣揚鬚動千丈
幻影樓臺蜃市觀寶光珠貝龍宮藏方壺員嶠仙往來

奇肱飛車不粘浪書生薄相那遇之健筆韓蘇枉摩盪
是時卓午懸曦輪潮氣上逼白日昏不知是天是水還
是雲但覺混茫一色無區分偶然萬斛舟如墨一點萍
入寥廓微留痕欲駕鼉梁渺何際江湖比作蹄涔細中
原水皆地所包至此始信水包地不識此水又用何物
包六合以外真難議頗聞近日萑苻萌連鰲結隊紛縱
橫劫財賈舶略無忌漸恐登岸殘村民安得三千水犀
弩鯨鯢盡常澄清

所見

寒威瘴瘵曉侵肌驚見驅牛飲凍池搖手急呼莫莫莫
恐他冷飲或傷脾

乞活兒

手足俱無畏敗鵲蛇行蠕動路蜿蜒憐他生已不如死
猶乞街頭活命錢

珠林殺賊歌

康熙甲寅閩寇入歙恣剽殺鄉民劉宗秀糾衆
殲之於珠林其曾孫椿來乞詩爲作歌記之

古來大戰炳青史伏屍百萬血千里區區鄉民殄流賊
蠻觸功名何足紀豈知義勇捍一方倉猝哀集摧陸梁
正惟非兵亦非將其績乃過兵將强康熙甲寅閩寇作
突入歙州據城郭長吏脫身去乞師居民束手盡被掠
香閨紅粉複壁搜深窖黃金滿簾攬誰何健者按劒瞋

一呼奮臂糾村鄰白挺致師闕且走誘入死地伏兩甄
珠林幽深四山繞其中萬木多於薪騎不得馳矢難射
賊知失計方迴身早聞殺聲起山後山前扼險路又堙
腹背兩窮遂就殪至今京觀啼青燐嗚呼何代無草竊
靖亂未必皆國力毛葫蘆兵白桿子鄉閭往往出英傑
卽今秦蜀劇盜紛安得公等數十人各保里社戮魑魅
曾見海內無烟塵

重過虎邱題三賢祠

虎邱祠前賢其論自我剏三年復來過雄麗果殊狀酒
樓低翠巒畫舸隘晴浪裾屐紛往來沸聲日夜壯遂使
久湮迹頓豁心目曠三詩人千秋一土阜萬丈卻笑建

議初本意標所向庶幾鄒湛名得附峴山上庸知傳世
難非可門戶傍試問衆遊人已把老夫忘

偶見

泥爐烟碧瓦燈紅香火喧闐委巷中三尺小祠七寸像
居然顧盼自豪雄

葺屋

老屋多年滿壁塵一番補葺稍從新愧無北海樽盈座

幸有東坡宅作鄰

東坡舊寓孫氏宅距余舍數十步

水閣自明無月夜

後有水閣臨自

雲渡

山茶獨占滿城春

山茶一株大合抱爲常城第一

三間馬磨誰還記閒與

兒孫說舊貧

自題小照

官至四品不爲小富過千金不爲少壽逾七秩不爲天
此亦書生之極乃猶不免撫心自悼者則以出無可紀
之績處無可傳之稿竟與屠沽輩流同冉冉以終老

田山薑大通橋秋汎圖爲馮鷺亭編修作

鷺庭於厥市買得此

卷乃山薑官大通橋監督集名流泛舟慶豐廂作圖紀勝同時不漫
堂宋竹垞顏遜甫曹升六汪蛟門李分虎諸公皆有詩餘慶苑中墨蹟

牛腰卷記慶豐船爲有名流便可傳後視今猶今視昔
令人慨想百年前

北方壇坫推王宋京兆田郎另出頭看到大通秋泛卷
少年時已霸葵邱

殘縑流落尙清芬似有精靈擁護勤不遺六丁收拾去
詩覓爭托小馮君

當年題詠總王楊今日微時又擅場此事不論前後輩

盛唐人較勝初唐

鷺庭徵同人續題皆名作覺後來居上也

問魴魚

問魴魚爾既雋味供人食當使老饕快飽啜胡爲肌理如凝脂鋒鋷似叢棘魴生竟作魯宗道骨鯁令人有難色本謂擅針莫敢坐誰料領珠終被摘饒奴入口費剔搔齒舌無功兼手掇滿堂無不賞鮮腴却但畏威弗感德魚也聞之笑此論非通人名花品不許褻玩美女姿豈輕橫陳吾生自有味外味正恐鹵莽一嚼不見珍故教芒刺在背稍齟齬欲令徐徐吹咀方識真顧乃吹求到細故欲去槎枒滑喉嚨知君原是一腐儒只合終朝

喫豆腐

醉蟹

泰州人甕貯甘醴投蟹於中聽其醉死謂之醉蟹味極佳

霜天稻熟郭索行雙螯拗折香珠杭經旬飽啖腹盡果
團尖臍結脂肪盈忽然被擒請入甕方憂炮炙渾身痛
誰知甘醴已滿中送入醉鄉黑甜夢醉鄉豈怕滅頂凶
餽糟罋醺酒池中既非人歟投厠溷何必醺雞膽吳穹
沉酣三日不復醒米汁味已透骨融食單方法有如此
物不受傷人得旨休悲彭越遭醢宛且幸義之以樂死
酒間與味堂司寇追話都門舊事感賦

春明舊輩幾人存重話鴻泥指爪痕絕似上陽宮畔路
白頭老監說開元

揚州畱別諸同人

我初客揚州詞流盛裾屐流連文酒讌徵逐最酣適何
期數載間多已墓草碧過江一訪舊淒絕山陽笛尙幸
四三人畱待續陳迹四海魯靈光端推謝安石

未堂可寇
爲詞館二

十科前輩年
八十有六

東陽雖稍瘦其氣實嘖嘖

既登

吳均正強仕行

卽赴朝籍

詩

王詩玉溪生高論每覩獲

童

相見各無恙

不覺手加額憶自來邗江所交皆素識前後十餘年不
曾添一客新知旣不增舊好又頻失剩此幾晨星得不
倍珍惜諸公同此意更番展瑤席雜坐竝飛觥近游偕
杖策依然觴咏地光景追曩昔臨分期後會預約鄭莊
驛年年看花時來此一浮白

蔣瑩溪別駕館愛妾於揚州過江來寓戲贈

滿天風雨渡江來
軟脚筵從別館開
難得美人分鏡待
正當侍婢賣珠迴
冶遊喜有藏嬌屋
僑寓兼爲避債臺
亟與綢繆消別恨
莫教擁髻夜啼哀

泊高旻寺鑑公邀遊放生河別業時練塘竹濤兩

詩僧皆居此

別業官塘外塵囂隔幾層
眞成清福地況有好吟朋
接

食魚邀侶持齋鶴學僧

有兩鶴不食虫魚

何當來結夏萬竹綠雲

凝

放生河戲贈練塘竹濤二上座

千個簷簷掩綠雲
蒲團枯坐篆烟熏
放生河裏游魚樂

知是山僧不如輩

多雨

漫說春光引勝情今年氣候不分明江南變作黔中地
一月天無三日晴

忽晴忽雨亂晨昏纔苦陰寒又晏溫一月九蒸還九曬
老夫身作地黃根

花蝶

婪尾花穠深院藏外邊那得遠聞香不知蜂蝶從何覺
已自飛來過粉牆

戲老

龍鍾老年人未死先作鬼鬼者人所畏遇輒思遠避老

人亦復然所至令人悸寒松骨凌兢凍梨面垢膩自然
生威嚴非必性情戾兒怕責淵明妾不媚鄒忌一聞曳
履聲先托下帷肆偶逢少年客寒暄語未旣察其眉睫
間早露引退意何況婢僕輩聞呼強一至勉効趨走勤
貌恭神已異只有諸董孫貪翁含飴飼辟呶時一來得
食又掉臂嗟哉老至此衆畔親亦棄雖尙廉頗健已同
伯有厲應號活死人調語聊自戲

儒餐

土銼煤爐老瓦盆莫因鼎食羨豪門儒餐自有窮奢處

白虎青龍一口吞

俗以葷腐青菜
爲青龍白虎湯

中庭坐月忽一女孫言月大如酒杯不覺駭聽因

歷詢諸孫及婢僕輩言人人殊有同謂如杯者
有如鏡如碟者甚至有如盆盎者乃知眼光
各自不同也余年七十四向未知此今因小兒
女語乃得之然則近在目前而所不知者多矣
作詩誌之

舉頭見明月大如五寸鏡謂衆目皆然圓規有一定忽
聞小如杯兒語實駭聽因之遍諏訪令各說圍徑細比
半兩錢大至尺口磬始知眼光異塵根有殊性譬若長
短視遠近相去魚花看霧中昏毫察秋來炳卽事悟學
功格物非易竟老夫年七十識月猶未盡如何執成見
輒負鑒裁柄

秦蜀

秦蜀兵氛歲再赫蒼茫天意信難知世無杜甫能吟咏
何苦教人賦亂離

太平生齒日增多天亦難供可奈何何不教他饑疫死
卻教狼籍死兵戈

記異

庚申三月下旬事

荒野宵驚火光赤一炬忽增數十百紛傳盜至急往偵
人火俱無已滅跡奇聞恠事易流播百里居民震惴惴
迅速如行王母籌倉皇爭避修羅戟小村併入大村住
擊柝鳴鉦沸終夕豈惟小兒怖不啼壯夫亦莫敢脇席
是何變異出俄頃非鬼非人動心魄我同老僧泯見聞

見怪不怪怪自滅果然半月風鶴定作息依然各安宅
獨念訛言無故興此亦一方小妖孽野熊突入主火災
河魚大上兆水厄莫嗤鄉社驚虛弦曲突徒薪亦良策
聞極

爲愛清閒早掛冠秀才生活辦粗完而今閒到無聊極
臨老翻思去做官

山塘

清簟疎簾軟水舟老人無事愛清遊承平光景風流地
燈火山塘賣酒樓

再題廿二史劄記

一事無成兩鬢霜聊憑閱史遣年光敢從棋譜論新局

略仿醫經載古方千載文章寧汝數十年辛苦爲誰忙
祇應紙上空談在畱草他時醬醃香

敝袍

欲覓單衣換脫綿敝袍一領肘雙穿亟呼刀尺來裁補
又可當差四五年

有衣可典未須愁此語遙傳自陸游莫詫敝袍猶未典
曾投質庫不曾收

僮約

僮約雖頒十數條守門奴已出遊邀客來剝啄無人應
只道先生故作高

讀白香山陸放翁二集戲作

老來無事度昏旦愛尋古老人作伴汾陽潞國勲位殊
詎敢與之較歲筭詩人壽者白居易等而上之陸務觀
一開八秩一九秩我讀其詩歷可按忽然貪癡不知足
幾如得隴又望蜀少時不想到白年旣到白年又慕陸
卻顧孱羸蒲柳姿又恐薄劣無此福天公聞之笑齒冷
彼二人者才千頃汝曾不及萬分一何須妄自作虛警
戴逵本非真隱士母怪少微星不準且教安享樗櫟年
莫便愁迫桑榆景

金子友來乞楹帖其家住太平寺旁門臨大池余
爲書鳥宿池邊樹僧敲月下門一聯適有尼庵
亦來乞桃符僮奴不知卽以此付之一時見者

傳爲笑資賦此懺解

一聯悞到散花居掩口胡盧遍里閭豈敢戲留題鳳字
或疑錯寫弄麈書翻經香奩重簾靜繡佛燈搖四壁虛
亟與阿師勤懺悔手抄梵英鎮精廬

洪稚存編修以言事遣戍伊犁蒙 恩赦回誌喜

九死投荒得賜環 德音一道萬人歡遙歸不待烏頭

白起廢行遷鶴頂丹

令品二品以上
冠如珊瑚頂

骨鍊水霜逾勁節詩添

沙漠有奇觀直聲已震難回枉成就先生作好官

贈徐尙之明府余癸未歲得疾甚危其尊人季常
先生挾醫來治始愈今先生已下世而尙之以
才士作賢宰有聲梁宋間俯仰今昔不覺悲喜

交集也

朋簪喜盍紀羣交往事關心感鬢毛老我至今懷巨伯

荀巨伯親友
疾見世說

故人有子似枚臯才名絕代篇章富吏績勤

民撫字勞行輩敢當修後進衰遲久已愧英髦

梅雨

一樣川原布穀催巴巫白骨葬成堆不知此地民何福
正插秧時大雨來

午日競渡本舊俗今歲郡城好事者增飾更盛有
控官禁止者諸好事遂糾集數十百人連毀控
禁之十二家囂風殊可慮也

爲懲奢俗禁揚舲翻致紛呶嘯白丁善不可爲何論惡

衆皆欲醉許誰醒金支翠羽收奇采毒手尊拳兆亂形
競渡不成成競閱民驕從此少安寧

時屆插秧忽得大雨而連旬不止又將憂潦

謂天不憐民不應梅雨如盆傾謂天真憐民不應連雨
無暫晴初聞歡聲遍老幼滂沱正值栽秧候誰知甘霖
變愁霖半月不斷決渠溜雨點猛如穀弩發雷聲悶作
伏甕吼有時赤電催金鞭倒捲魚蝦落巖岫瀨汭幾愁
大陸沉補苴誰塞高天漏直疑斯世將混沌只有長夜
無白晝川原彌望總洪波滅頂深愁萎綠禾可惜一天
膏澤好向來嫌少今嫌多

雲溪晚步

已開八秩未頭童
頑鈍天教作長去聲翁
閱世更無同輩
行感時猶念古英雄
食脾健爲持齋淡
詩格低因屬對
工尙有心期誰可語
雲溪獨立夕陽紅

題史右張小照

毘陵城東兩奇士
沈佩蘭與史右張
佩蘭跣跣不自檢
千金散盡餘酒狂
晚官嶺嶠作良吏
至今妻子飽覈糠
右張生無立錫地
一枝健筆凌風霜
讀書兼學計然術
金錢湧比詩盈囊
人言不如瘦沈郎
身未綰組垂銀黃
我不謂然士貴氣
饑寒未免趨路旁
昔人相士問生產
無求乃可自激昂
君今力能致溫飽
千頭木奴百本桑
平原乞米書不作
骨力自挺百鍊剛
其才况復老益橫

六十尙如四十強會當晚達出山去不撓不難展所長
回視少時舊同學功名行將過東陽未須便圖青窮笠
方當袍笏催登場

暑夕

空齋孤坐滅蘭膏一犬相依寂不嗥赤脚踏水吾尙熱
耗斃憐汝滿身毛

夜不寐作

崢嶸火雲高日落半空赤城居少林蔭困此炎歊迫捲
簾候夕涼鬱熱或暫釋四垂無纖風仰視天正碧月光
日所映返照有餘赫滅燈聊暗眠裸脇貼地席羽扇幾
脫腕締巾且瀝液忽焉癢如疥萬癩凸膚革飛蚊又來

噉舉手急一拍狡捷倏已逃徒自打頭額嘻乎此夜中
直比入甕炙卻憶西南天烽火正絡繹潯暑蒸臭穢遍
野腐齒積吾儕幸安居尚嘆燦金石兵燹彼何辜感時
一悲惜

舊篋中偶檢得在京時所畫鷗莊耘菘小照戲題
卷後

灌園閒與白鷗親四十年前舊寫真只有老妻還認得
兒孫俱不識何人

放歌

我不能引長繩繫住西飛日又不能抽快刀斬斷東流
水徒負昂藏七尺身實只太倉一稊米胡爲前望千古

後顧萬年欲作擎天柱地一男子少年鼻息衝雲漢唾
手便思拾青紫果然館閣取次登意謂星辰卽曳履忽
焉驅馬出春明兩粵滇黔走萬里從戎又想圖麒麟按
部亦曾冠獬豸序遷不及待歸仍鑽故紙撐腸五千卷
縱目廿二史復將三寸毛錐尖妄擬一柱中流砥統計
生平屢徙業一波未平一波起我觀古人志專壹強吳
者員霸越蠡用盡一生心只了一事耳誰教東馳西騖
多岐塗貪如奪標棄如屣毋怪百能百不能略嘗之味
鼎染指如今衰老始知悔氣矜之隆病良已非無一言
半語傳世間未必百年後尙掛人齒回思鄧林棄杖迺
日時枉費奔忙喝不止噫嘻平生世寧易得人身爲人

寧易通文理可惜黃金擲虛牝錯已鑄成錯到底

甌北集卷四十二

庚申辛酉

陽湖 趙翼 雲松

自幸

老閱浮生事心如井不波天邊圓月少世上苦人多出仕榮簪笏歸休穩笠蓑吾身已厚幸寧復作悲歌

輓汪屏周

吾鄉四老人近年失其二

程霖巖湯養溪楊靜叔與君同甲午生惟皆八旬以外有四老人曾楊湯今已故

君壽而康貌澤神不瘁諸兒已垂白乃翁則猶未笏人有見者翻疑父是弟晚雖兩足蹇兼苦雙目腎健飯尚一升坐不隱囊倚巋然魯靈光真足瑞人世憶昔遊京師同客平津第

庚午辛未與君同館文端帥第

歸田數十年衡宇復相次過

從每話舊記憶到瑣細後生聽愕貽頭觸屏風睡兩老
方踰躑問山諧語戲以茲慰岑寂踪跡鉅豈比何期大
耄嗟捨我竟長逝我思古錢鏐長壽固天界同輩無一
人居世亦何味君今歸道山吾與誰把臂不覺黯然傷
臨風一揮涕

紀事

六月下旬

浙東舟山多海澳海賈經由必收權向來清晏少荏苒
近數十年始有盜初但壟斷不澤竭什二抽分盜有道
其渠死後群黨橫劫財殺人日逞暴奸民趨若附火蛾
賊艘遂至數百號一艘百人百艘萬實繁有徒據津要
直從水面別開國竟視估舶同轉漕樓船將軍空駐防

水師入海已眩掉伎倆久爲賊所窺嚇以虛聲反被笑
駸駸振柁欲登岸往日孫盧轍將蹈今年六月趙趙風
十日不斷聲大嘯颶母鼓浪掀高穹天色晦冥日不耀
半空疑有蛟龍鬪千里但聞神鬼謀可憐賊艘雖習流
至此亦把天妃叫檣傾機摧碎如粉萬命盡入滄波浩
十五巨鼉食不盡飽到鯨鯢也懼跳有得脫者十二三
縛板汨來伏巘嶠不死於水死於刑一一就擒戮諸纛
從此妖氛當稍寧縱有漏遺已衰耗若非天遣風濤誅
竊恐今秋有閔閔獨念天心方厭亂東南已叨慈廕燾
秦蜀蟻賊肆剽屠西顧亦應垂痛悼豈其能水不能陸
只殺蛟鰐遺豺豹何不使萬陰兵悉殄陸梁靖區隩

書綿州牧劉蔭萱守城事

綿州有舊城地扼潼川渡垣墉圯已久履屐可平步蜀賊方蔓延州守早卻顧先期集版築百堵屹鐵鑄城成賊隨到殺氣振烟霧百里避難民望城作生路開門聽其入赤子得慈父衆志本成城有城志益固弩臺穀機括戰格列櫓恆賊方盛氣吞唾手拾倉庫梯衝百道來墨守綽有裕丁男盡地戰婦女送餐哺矢石所及處仰攻悉顛仆粉堞俄成赭盡是賊血污相持三晝夜救至始解去偉哉保障功活人已無數向非憑堅城此離衆曷護繁茲應變材衝要端可付書之風百僚武功出儒素

哭內兄高曉東

正擬飛騰暮景斜豈期彈指散搏沙黃金難救膏肓病

醫藥費千餘金

白手徒成飽煖家萊子國猶歌惠愷曾家黃公鑣

已隔幽遐斯人何意攔斯殊血肉淋漓滿臂痂以臂疽殺

昔曾活我病垂危醫未幾余在京得危疾君力爲調護今日翻教送汝歸臨老

正悲朋舊少至親況又死喪威病無靈藥三年舊去有

天香一路罪癸卯八月十六日回首忍忘貧苦日旅牕燈火夜相

依

曉東內兄素強壯無死法也六月中左掌忽患一

疔醫者但治以解毒散不急拔其根遂蔓延四

布已而腕間潰成一孔膿血涓滴不斷馴致滿

身氣血盡從此流盡而較嗚呼事之類此者多矣爰再作詩哭之

目識一丁掌邊伏焦釜漏舟救宜速庸醫惟恐痛剝膚
但劑清涼期解毒豈知杯水滴車薪翻致燎原不可撲
初看腫硬過臂肱旋覺熏蒸上頭目未幾腕底潰成孔
如篋引泉來續續紅紫者血黃者膿晨夕涓涓漬牀褥
遂令遍體精氣神盡化漿流無底谷命脈微如將斷絲
膏髓涸成久枯木親朋猶來問無恙病已不支俄續屬
嗚呼癰疥初生藥誤投癰疽旣潰手空束世間萬事類
如此事過追思豈勝哭

劉檀橋編修六十壽

曾見荷衣拜今開六十筵前身王子晉當代社樊川綺

歲游金闕高才步木天家依鼇禁迥

尊公少司空授經上書房

籍有鳳

洲聯

令兄模夫官樞密

苟令香傾座相如草奏箋持衡雙繡纛趨

直八花甌平子歸田早義之誓墓堅鶯花尋故里絲竹
寫中年廣拓毬場地寧論馬埒錢曲房通宛委列屋貯
嬋娟樛木能無妬天桃各逞妍醍醐供乳飲春卹抵膠
煎濟勝身方壯追歡髮未宣稱觴誰不羨富貴又神仙

又

官職聲名兩竝全少登館閣老歸田風情鍾乳三千兩
聲伎銀箏十五絃投轄陳遵無晝夜吹笙子晉本神仙
行年六十稱觴樂已勝他人百廿年

題黃山雲海圖

生平苦慕黃山好未得支筇踏絳氛今日披圖峰六六
恍疑身在海綿雲

題苓閣傳經圖爲汪仰之秀才

一閣平臨溪水淳曾承家學此傳經

其尊人授經處

作圖不忍忘

先澤略彷彿新安舊考亭

纔哭曉東忽鄉間信至老友潘震峰杭念吧又相
繼下世不數日又聞常熟邵松阿同年之計計
期皆在中秋前後半月之內生平交契一時盡
矣淒然顧影何以爲懷

半月間亡四故人品流雖異誼皆親共誰消遣衰殘日

剩我孤單老病身，兜率歸難尋去跡。巫陽召已到比鄰，暮年容易傷存歿。縱緩須臾也愴神。

稚存歸里賦贈

握手相逢萬里身，入關衣尙帶征塵。去時拚作他鄉鬼，歸日幾同再世人才士。例爲遷謫客，

聖朝終恕直言臣。生還應捧

恩綸泣教住，冰天只十旬。

生平豪氣隘寰區，事不驚人不丈夫。出塞始知天地大，題詩多剏古今無。單車風雪孤征路，絕徼山川百戰圖。不敢慰君兒女語，昔人晚節倍艱劬。

初冬柳色

古語由來未可聽爭傳弱柳望秋零誰知霜露凋傷候
萬木丹黃此尙青

招檀橋廷叔稚存三編修董映珊庶常荒齋小集
皆同館也江鄉此會頗不易得作詩誌雅

詞垣先後跡相參里社招邀作雅談座比奎躔星聚五
禮修鄉飲曾行三烽烟路遠無傳箭沙漠人歸有盍簪
莫惜追歡永朝夕如今福地是江南

題漠北望鄉圖

天蒼蒼野茫茫風吹草枯散牛羊安得萬里返故鄉

近游戲書

小舫清遊不覺疲每眠杉板當牀帷也知就木期將近

先向船艙鍊背皮

紀夢

閱罷邸抄正午倦忽夢遷官戴武弁西陲寇盜紛如麻
杖節專征往靖亂肘懸雙紐黃金印腰插三稜白羽箭
虎旗開道十二街鼙鼓震天五百面行開紀律陣演蛇
馬上驍雄手接鴈聲威大振刀槩鳴號令一施旗幟變
出鞘劍氣寒斗星浴鐵甲光明組練巢車望賊最多處
指揮三軍各爭先短兵近接剝作礮巨礮遙轟疾於電
窮追不暇掘竈炊生嚼俘囚當朝膳乞降悉就縻長纓
旅拒誰敢張空拳割賊頭獻祭國殲賊屍骸築京觀
鷗張豕突一掃空依舊江山景清晏歸來獻捷鋒闕前

免胄千人萬人見形容圖上凌烟閣策券頒來紫宸殿
書生到此真足豪正欲作詩紀酣戰無端栗爆折腳鐙
驚破鏡簫大凱宴僮奴恰報煮藥熟來問衰翁可下燕
書劔南集海棠詩後

少陵不賦海棠紅畱與他年陸放翁君看劔南詩稿上
張園吟過又燕宮

陶菊林梅名各擅海棠猶未有專家放翁此意先窺破
急把狂吟占此花

秋成

禾黍登場又一時家家高廩恣遊嬉屢豐年歲清平地
誰識西陲泣亂離

偶書

老尙手一編丹黃勘不置若以聖學論亦玩物喪志其如結習深舍此心曷寄老鼠慣搬薑蠹魚喜食字藉遣時日閒兼飫性情嗜譬如呼盧盆不過寓游戲奈何技稍工又想以傳世

兩耳未甚聾已難別宮徵與客坐對談惟恐失條理內則以意聽外則以目視目光所凝注不誤談娓娓雖無顧曲精亦免隨口唯一笑雙明瞳乃爲司聰使人以耳爲目我以目爲耳

香山與放翁晚歲澹容與語語不畏死正是畏死語死者誰不畏豈真去得所吾惟任自然不迎亦不拒食不

恣老饕眠不厭獨處雖非辟鬼符或是降魔杵住則樂
爽鳩行卽捨逆旅

健忘

偶然得句忽遺忘速起追逋已渺茫失卻猫兒有何急
自生煩惱自尋忙

眼前僮僕或忘名何況經書記不清怪底近詩多自戰
征南武庫已無兵

野步

雖老身猶健無求氣頗充杖頭沽酒具枕上改詩功地
惜無山水遊常避雨風今朝晴景好野步看丹楓

蔣敘和秀才在湖北得拙集枉寄詩八章具述傾

慕之意賦此奉酬

意外牙絃得賞音
頓教敝帚重千金
一帆路遠依劉迹
八詠詩傳慕蘭心
著述久爲同輩賤
衰遲敢望後生欽
誰知並世桓譚在
獨與元亭結契深

書放翁詩後

放翁志恢復
動慕皋蘭塵
十詩九滅虜
一代書生豪
及開禧用兵年
已八十高設令
少年必親與戎
韜是役出卽敗
輕舉千古嘲公
若在其間亦當
帶汁逃天特善
全之仕隱皆奇
遭無事則恤緯
有事已善刀

風俗

人心俗習暗遷移
數十年間覺漸差
今日後生看孔子

已非我輩後生時

閒居效放翁體

卻老空聞服玉方暗中不覺漸頹唐兼金安得買酣睡
上藥不能醫健忘邀客尋花消日永呼僮說鬼遣宵長
愛閒偏是閒難耐始悟英雄種菜忙

杜門

杜門仍守一青燈塵事甘辭百不能人漸老成無妄作
詩求藺淨亦衰微宵驅霜氣爐添火曉趁曦光硯炙冰
不覺自傷年晚晚頭銜應署退堂僧

讀史

歷歷興衰史冊陳古方今病轍相循時當暇豫誰憂國

事到艱難已乏人九仞山纔傾簣土一杯水豈救車薪
書生把卷偏多感剪燭徬徨到嚮晨

捷書頻奏勦除功道路傳聞乃不同人豈幸災虛作警
事當討亂速爲工流移滿野耰鋤廢供饋連年府庫空
稍喜東南繁庶地黍稷處處慶登豐

水淺岷觴本易堙涓涓不絕遂齋淪孝經豈果驅狂賊
王法何能擢亂民牛喫牡丹同百草蟻擎粒米過千鈞
眼前看是潢池弄恐費他時爛額人

頗聞臺省尙委蛇風議爭嗤恤緯嫠謝傳圍棋雖故事
曹參醇酒是何時瘍醫誤已癰疽潰肉食謀仍燕雀嬉
一笑江村杜陵老干卿甚事獨憂思

衰孱

巧婦炊空試甯醫療已頻也知難措手敢幸早抽身年
可鄉三老才慚劒一人衰孱竟何補徒說膽輪囷

曝背

繩牀曝背坐牆隅漸覺春暄解粟膚一笑衰頽如此狀
可還能爲國馳驅

寒瘕俄教意氣揚捷於緹管暗回陽何須暖老求燕玉
我且溫柔老是鄉

遣寂

少陵在成都結交到朱老東坡在海南符秀才亦好由
來索居苦藉以慰枯槁余性本落落晚更少將迎同輩

已死盡末契期後生後生有才者方自高其聲仰而不能俯誰肯就老成以茲絕裾屐默作孤掌鳴惜哉得佳句無人共欣對欲起古人看古人已無在欲俟後人賞我又不及待終朝塊獨處嗒焉一長嘔

厭聞

三十年來把釣緡厭聞消息說兵塵私憂竊歎何人識識亦徒嗤是杞人

哭邵松阿

省垣好友一松阿晝共清遊夜共歌如此忘形交有幾

翻悲歸老見無多

余兩人先後歸田一聯君於杭州一訪君於廬山

虛期深谷看紅葉

今年

同看舊谷紅葉

尚憶荒園踏綠莎

君在京寓趙天羽寄園與余比鄰

剩我白頭無藉在寢

門那禁淚滂沱

題稚存萬里荷戈集

人間第一最奇境必待第一奇才領渾沌倘無人可鑿
不妨終古懵不醒中原一片好景光發泄已盡周漢唐
所未泄者蠻獠窟天遣李白流夜郎又教子瞻渡瓊海
總爲孺昧開天荒伊犁城在西北極比似炎徼更遼僻
烏孫故地瓊裘鄉睢呿何曾讀倉頡近年始入坤輿圖
去者無非罪人謫一聞嚴譴當出關如赴鬼門淚流赤
豈知天固不輕與若輩紛紛何足數要等風騷絕代人
來絢鴻濛舊風土稚存先生今李蘇狂言應受搜鱗誅
熱鐵在頸赦不殺廣柳車送充囚徒天公見之拍手笑

待子久矣子纔到鍾儀故是操南音斛律何妨歌北調
從此天山雪嶺間神馬尻輿恣吟眺 國家開疆萬餘
里竟似爲君拓詩料卽今一卷荷戈詩已如禹鼎鑄魑
魍狂風捲石落半嶺堅冰繫梯通九達人驚鵬攫抱頭
竄雷怯龍鬪飛輪馳生羌變驢或剩腿降夷化魚皆遊
屍皆詩中
所記 隨手拈作錦囊句諾臯狹陋寧須支翻嫌
賜環太草草令威百日歸華表倘更畱君一二年北荒
經定增搜考憶君惟恐君歸遲愛君轉恨君歸早

爲長孫公桂娶婦

辛酉

金雀屏開鼓吹喧望孫今又望曾孫固知五嶽期逾遠
且喜重闔輩益尊寶炬千枝明徹夜香奩百兩爛盈門

只愁漸染豪華習誰記風詩東楚婚

苦寒行

我歌苦寒行歲在辛酉上元後三日北風連夕聲怒號
燭龍無光天黑漆未幾雨雪霰交下六合慘成凌陰室
不知春氣何處藏竟被元冥來換律梅蕾將舒凍復枯
蟄蟲欲啓坯轉密百鳥怕作紇干雀翻願就擒試無炙
見昌黎常年亦有寒_{苦寒詩}沍時無此痺瘕刮肌骨老夫尚是溫
飽人十指已不能屈伸消瘦向同裴碧鶴忽然十圍腰
腹粗輪囷乃是狐裘三襲全裹身何況窮簷饑窘者斧
冰作糜炊濕薪衰年久絕濟物想敢說厦千間裘萬丈
欲爲斯民措安養細思或是天降福要滅賊氛靖楚蜀

雪爲双風爲鏃使之晝不得掠食飽夜不得煖席宿只
消如此一月餘十萬僵屍填滿谷

閔邸抄有感

長樂老人負重望其子乃習俳優唱茶陵閔師正台階
其子花街又柳街從來名臣後不振非關國家賞延客
卽今故相垂鴻猷九重念舊恩禮優方倚將門用趙
括誰知相府無條侯債軍敗檢一年內荷戈萬里雙長
流朝廷雖存十世宥豈得屈法蠲瑕尤嗚呼蓋代忠
勲尚如此家運由來不由已何況書生福命怪敢冀構
堂能濟美柳玘枉著訓傳家陶令不必詩責子

題宗室公思元主人風雨快遊圖

甌北老人老貪逸風不出雨不出好景往往端坐失思
元主人乃好奇御宿川邊輪倬直興來起步林塘幽盡
屏驪導去呵叱是時六月趁晚涼綠禾碧葦如江鄉千
株榆柳羃成幄旁有萬柄荷花香勝遊竟爲天所妬雄
雷忽鳴雲四佈童奴驚告風雨來亟請沿隄就歸路豈
知遊覽興正濃雨自雨風自風安得張威作勢嚇乃公
方將披蓬勃浥空濛果然淋漓濕衣領灞橋風雪無此
猛詎有硯礪煩澆胸恰比醍醐快灌頂入夜歸來黑無
火帶水拖泥泥沒踝童奴不免有怨言主人呵呵大笑
解衣礪礪裸

獨立

青韶又閱一年春，死盡交遊剩此身。地下轉多相識友，
世間暗換一班人。漫將衰鈍稱前輩，誰與從容話昔因。
獨立縱然能不懼，蒼茫四顧亦傷神。

和稚存積雨見懷之作

已辦青鞵踏麴塵，天教寒雨阻尋春。蟲將啓蟄翻坯戶，
驢可衝泥欲借鄰。稍喜迴枯鮓有韭，最愁炊濕桂爲薪。
如何咫尺城東路，隔絕幾同越適秦。

雨後稚存枉過復出二詩見示再次其韻

林間難得雨閒身，話雨何妨竟夕晨。天意似償殘臘雪，
客裝重洗隔年塵。談言湧比開新溜，詩律嚴於束濕薪。
便作對牀聽也得，流連已不負芳春。

廉纖纔止喜君過健步應稱曳落河甘雨乍收猶覺少
佳章難和已嫌多字摹屋漏真顏筆詩掃雲開亦魯戈
從此晴暄好聯步清游何必定披簑

題李鹿野聽泉圖

聽泉爲愛在山清也恐山中浪得名我記誠齋嘲澗水
在山做得許多聲

驛柳詩和蔣立菴

驛邊垂柳裊風輕萬縷千絲惹路程露輶暫停應繫馬
戍樓相傍好聽鶯蕭疎幾閱人來往飄颻如隨吏送迎
堠館青蔥堪入畫輪蹄喧處有餘清

臨風披拂最長條似掃塵沙待客輶記里標爲樊圃界

贈行折當灞陵橋桓公北去悲華髮陶穀南來狎細腰
何處靈和誇得地江程尤易動魂銷

幾家新綠映鞦韆獨向郵塘買野烟館客快當千步幃
廐奴軟借一條鞭三眠倦識征途苦十里行逢密蔭圓
欲爲高柯徵故實滁州古驛至今傳

滁州大柳驛爲
趙普長徒處

莫嗤弱質望秋零埭野風塵已飽經排列也同雙隻堠
清涼爭憩短長亭寄梅人去青連隴籌筆牕開綠滿庭
不比章臺惹攀折春風愁煞小娉婷

曾入詞人賦擅場營名細柳館長楊豈知得姓從天上
翻使攀條感道旁滾滾絮粘泥路雨垂垂絲瘦板橋霜
可憐老剩空腔在徒與騶人作馬柳

館垣淺不蔽車輪有苑能令景色新鋪白氍如迎貴客
舒青眼豈慰勞人肯隨鸛駱同行路猶爲歌驪箱去塵
生性纏綿本情種故應獨占渡江春

小小軍郵也楯欄鬱葱深護翠陰寒風枝斜共牙旗颭
雨葉穠遮畫壁乾似傲五株依隱士或將七扎試粗官
兩三老校乘涼話可有空中汁暗彈

處處江南記水程綠楊何必是揚城樹猶嫋嫋牽人住
亭已勞勞送客行林外絮飛馳檄影梢頭月上打榔聲
最欣老幹成圍久常見平安堠火明

詩僧巨超自焦山過訪枉詩投贈兼惠嘉蔬次韵

奉答

身雖學佛骨仍仙過我蕭齋慰暮年良友豈須三教別

好詩已見千方傳鶴銘迹有摹碑字

悲鶴銘已重刻

鴻爪痕畱疥

壁聯

余舊贈詩尚掛寺壁

準擬焦廬謀結夏一帆重到剎竿前

已是山中辟穀仙翻將蔬筍餽新年味殊佛印燒豬待
事竝園官送菜傳方法喜君多秘製布施愧我只詩聯
尚嫌不帶中冷水枉自來從北固前

巨超將歸托寄京口佩香女史

香閣論詩又兩年遙知淨業已皈禪不妨書托高僧寄
正是清齋繡佛虔

新築軒仍榜聽秋我來準擬小停舟可憐兩度過京口

只見紅欄俯碧流

去年往來京口俱不值

詩筆年年耐苦辛
懺除不盡是前因
女中才子僧詞客
都是名心未斷人

枯木禪僧印寂光
空山兀坐太荒涼
作書爲介司花女
或有天花散道場

牡丹將開作布幔護之戲題

改砌花臺作幕遮
玉樓春花名色倍穠華
初非貴種偏珍

惜爲是前年手種花

老去風情尚易撩
護花心力費連朝
一棚布幔當金屋
慚愧書生貯阿嬌

寒食日招蔣立菴太守劉檀橋贊善莊迂甫中允

洪稚存編修陳春山明府家緘齋北郭小集山

茶花下立菴雅存皆有詩卽和其韵

偶借繁花款客停花光正赤眼俱青鄉風不禁西河火

人數剛符北斗星瓊液味拚供大戶諸公皆善飲寶珠名豈稱

寒廳香山故事差堪繼恰有高賢未及齡同八年皆六七十以上惟雅存五十五

右和雅存

合向東皇賦拜嘉賞花都把海紅誇穠華豔發真舒錦

薄酒清談當鬪茶樹老也如人矍鑠坐深不覺日欹斜

牡丹雅集還先訂繭栗枝頭已放芽坐間預言牡丹開時再邀諸君小飲右和立菴

茅山紀遊

句曲古洞天距家二百里年耆尚未到塵俗真可鄙今

朝忽興發奮決枋榆起買舟旣風順登陸適雨止昇籃

兩輿夫腳過茅狗駛遙指大茅峯直上青冥裏屈盤十八折疊磴何人始每當一折處輿夫劣容趾吾身已在空下瞰怖欲死千丈倘一落直作蠶粉耳自笑老何爲乃冒險若此

時當二三月羣禮三茅仙江國千里內男婦盡翕駢不到頂不止欲表方寸虔十步九喘息力憊志益堅乃知求福心不惜性命捐峩峩九霄殿登降紛摩肩棟宇熏已黑總是梅檀烟雖曰愚民愚究是神使然其身已登真傳又千萬年匪惟大名垂兼攝衆心懸嗚呼彼何人占此福力全

名山湛清華惟在水與木有水山不枯有木山不禿茲

山乃兩無但見春草綠不知古仙人胡爲此栖宿及觀
曉雲生譎詭盪心目或如孤烟輕或如濃霧濁其出也
無罅氣透毛孔肉蓬蓬四飛揚滂然滿巖谷罡風吹不
散俄又聚成族乃知茲山靈地肺通天腹所以三茅君
于焉吸清淑

言過華陽洞坎窞厓山根相傳通冲虛奈此墨穴昏一
笑舍之去非畏乖龍吞頗聞乾元館貞白跡尚存山中
宰相堂松風至今喧呼車亟往探猛雨俄傾盆遂令良
常遊虧此半跬慳豈真三神山將至風引還歸途卻同
首空濛露青鬢留此不盡景擬作重來攀羅浮風雨好
正在合離間

三月二日緘齋作海棠之會卽席索同人和

賞了山茶又海棠今春吾輩太疎狂正憐經雨嬌無力

敢議當風豔不香

放翁詩汎雅更到無香處

花比胭脂真絕色酒嫌琥珀

少清光

諸君嫌蘭陵酒濁皆用新醖

放翁去後無人咏畱與雲溪蘇軾作主

張

同人預訂牡丹之會稚存不待花開輒折蘭邀集

作此戲之索和

借花作飲資借飲爲詩地此亦退閒人居鄉一樂事山

茶旣開尊海棠又舉觴預期牡丹時再續花下醉先生

乃不待老饕急欲試枝頭方蘭栗折蘭遽邀致由來不

羈人作事必奇氣仕宦甘勇退雞肋竟輕棄遊讌乃躁

進未卯輒早計吾笑謂先生此酒爲花賁有花則成賞
無花則空費待取花開時須補醵庖治

爲偉兒得葬地於金壇夏蕭村感賦

頻年謀塋子今始得佳阡地近三茅叟名傳八洞天

上餘里山光畫屏上民俗結繩前窀穸於茲定應無憾九泉

久不音容接孤魂若箇邊忽欣來蝶夢恰報得牛眠卽

抵筵筭卜堪營堂斧堅佳城得安厝倘廕子孫賢

數年來見久不

入夢是久忽夢見之而
買地成券之信適至

羸博終嫌遠良常免陟艱水通一衣帶山抱兩瑤環已

叶青烏吉應堪白鶴還夫椒三百里他日好追攀

余塋地已定於

馬跡山先母宮內

距此二百餘里

題楊忠愍名印

鐵筆誰鐫繆篆工摩挲名姓仰孤忠
不曾倒用軍符後自有威生斗檢中
質寶貞珉通體白色分熱血滿腔紅
有人正草青詞就賜印親封奏紫宮

牡丹旣開邀同人小集而花色不豔朶亦差小作

詩解嘲

昨嘲洪景盧未花先置酒我酒及花開
不先亦不後方欲對客誇此舉殊不負
其如花品凡欲誇轉怩怩嘗稽洛陽譜
貴種無不有三十二佳名黃王紫者后
或潤一尺面或嬌一捻手重臺彩霞仙
竝蒂連璧友詩傳李翰林貢自錢畱守
一叢十家產珍過瓊瑤玖而我此數株

賤買自虎阜價低品斯下敢與國色耦豔輸紅粉腮大
僅瓷盃口置之姚魏間只供牛馬走以此集歡場毋乃
慚敝帚花間竊有言主人欠分割名花必綺筵水陸盡
羅取先張繡幕遮次護雕欄釵朱唇吹玉笙皓腕進雪
藕高燄輝長檠醇醪酌大斗雞跖百伏雌羊簽十肥牡
斯與花相稱豪氣溢尊卣今君作勝賞仍是寒酸叟囊
慳何曾錢盤雜庾郎韭漫詭鴨蒸瓠但有魚貫柳自宜
花格卑配此有味苟譬如田舍翁合儷糟糠婦乃反嫌
花劣何其不自咎四座聞之笑笑我被花詬不如未開
時設宴可藏醜

題楊雲珊詩卷

吾黨楊盈川力學不好弄家聲八花磚才氣九雲夢示
我一編詩出語必驚衆呼風萬馬來奔騰不可控歛心
貫一蝨又作車輪中因之入名場莫敢相伯仲我忝紀
羣交更喜衡宇共光許鑿壁分醪堪過牆送舉案忽焉賦
壯遊難挽青絲鞋得句早寄歸資我晨夕諷

花會將遍檀橋最後治具牡丹既多貴種而肴饌

特精酒間用緘齋語成篇

今年花事繁勝賞互徵召劉楨儻人傳食家家到作
客不作主頗怪施不報孰知後居上突起飭厨竈名花
旣穠麗紅紫光遠耀治具更精腆一一出秘造釧羹備
南烹餽炊兼北調錦繡吸醪鏡湖清酒鑒鏡乾沛風燥風猶出

傳觴選大斗玉琢仙人肖

附巨杯錄
白玉八仙

同視諸家筵直壓元

白倒斯真不負花足爲花長傲花聞以臆對似欲訴鬱
抱自從主人歸花常侍堂與邀歡帶露勻獻媚迎風笑
乃不蒙一顧經過頭輒掉蕪穢草不除崛堞塵不埽坐
令嬋娟姿冷落黯自悼今因花事牽拂拭出蓬藿寶藉
諸公扶尚恐主人悞余笑爲花言遇合非意料十年交
臂失一旦回光照從此進有階可以色自效明年花開
時益務妍其貌主人故豪縱豈惜莊嚴妙砌改文石環
幕張繡羅燾因之大召客高宴壓壺嶠催開轟羯鼓鬪
豔殿鷺翮聲裂柯亭竹舞落山香帽洗耕澆碧醞照睡
炳庭燎葦肥峩陵屯蔬藪潔湘茼斯時快老饕更爲花

大醕

檀橋席上賦紅牡丹

姚黃魏紫已稱妍
高格還應讓絳仙
著到緋袍原富貴
映來紅袖倍嬋娟
寫生尚覺胭脂淡
吐豔偏爭靺鞨鮮
莫惜倚闌畱玩久
餘光猶闕晚霞天

湯僕齋邀飲紫藤花下

相傳東坡
手植物

顧塘橋館藤花開
相傳坡公昔親裁
主人重是名賢蹟
邀客共醉黃金罍
我思公歸自海外
五月真州已暴下
荆溪買宅旋折券
始到此間僦寓舍
入門未久卽上仙
那得復有種花暇
只因旅宿幾晨昏
此藤遂傳手澤存
七百年來屢易主
藤與公名共千古
孤根不肯曲九泉

借司坡
咏梅詩

上乃屈蟠半空舞皮皴腹裂老不僵化作瘦蛟戰
風雨過客猶思拾落英居人不敢議斯斧想見深宵月
白時魂兮歸來尚摩撫卽今正值花開繁纍纍瓏明
朝瞰猶疑帶公舊文彩來吐爛熳催芳尊名流草木皆
可敬况此名隸大雅門卻慚咫尺爲鄰竝不敢來爭謝
傳墩

余家相距
僅三十步

書憤

老憑故紙送殘年藉遣無聊豈望傳死後名難膏白骨
生來命早落青編修途迢遞無窮轍苦海蒼茫大願船
太息男兒多少事只餘瑟縮枕書眠

稚存謂古來牡丹詩少有作正面文字者戲成四

首索和

何處東風麗景繁
尺三花朵壓名園
大家氣象無寒態
本色胭脂有醉痕
一捻嬌含晨露濕
千層艷煽午風溫
生來性格原驕貴
肯向風塵漫托根

庭前羯鼓漫相催
要費陽和氣力培
采石仙人宮錦坐
太原公子褐裘來
圓供正看兼旁看
豔愛全開勝半開
最是否竈奇幻處
有時結撰出重臺

輕寒輕暖幾番過
釀出花天散曼陀
國色更無同輩比
春華獨占十分多
光能浮動神如活
香帶甜肥氣最和
讌賞不須憑酒醉
但看映面已微酡

膩粉濃丹發豔光
花頭端重不輕狂
自令芍藥甘爲婢

應與芝蘭並號王曾記帶酥豪士送未容插髻美人粧
腐儒愛惜中人產也對深叢一舉觴

題蔣立崖天遠歸雲圖

心跡浮雲一片閒未曾出岫寫歸山誰知二十年前畫
預兆輪臺萬里還

膚寸膏流漢上田又分愷澤潤窮邊而今飲卻爲霖手
散作餘霞尚滿天

羽化銀杯已不留桓厨故物忽重收由來天半高雲朗
肯污人間寒具油

閒愁

老去無眠覺夜長一燈照影自徬徨平時記誦都忘盡

偏是閒愁不健忘

競渡

去年禁水嬉謂是當過客愚頑竟何知諫起戕巨室雖
然置獄懲謗歸尚未畢今年又聞禁萬口早籍籍由來
舊俗沿未可一旦革禁奢固美意顧未計裒益漏卮有
泄潤涸轍乃沾液但爲富屯膏轉阻貧待澤是誰解鈴
手來效開網續蜿蜒四游龍今年有四龍舟遂起奮鱗鬚鼓中
流沸旌旗半天赤水繞千檣舫岸圍萬裾展綺羅風送
香珠翠波映碧豈有哀郢心聊快游消迹終然存故事
一慰汨羅魄彼爲楚忠臣此作屈俠客竊得老夫狂逢
場一戲劇

五月初連日大雨喜賦

漫說西陲未解兵，天心助順已分明。
秧前麥後甘霖到，知是邊氛不足平。

金碧裝成四畫橈，正愁河淺不容舫。
天公也要龍舟看，漲出雲溪水半篙。

城中白雲渡
爲龍舟聚處

喜雨再賦

江南多水田，恃地有長川。
庸知地難恃，所恃仍在天。
今年久晴二麥熟，卻愁河涘如蝸涎。
銍艾纔完雨大至，民不敢望天。
已憐玉霄豈有夏，小正乃按節赴不後。
先漠漠連疇飛白鷺，涇涇彌野耕烏犍。
亦有先期灌田蒔，意欲誇詡祖逖鞭。
勤農翻被惰農笑，笑渠枉費厚水錢。
信

哉好雨知時節一滴價值黃金千天不愛寶肯傾盡泉
流真作流刀泉獨思萬方等赤子高穹燾庇豈有偏已
從南國沛膏澤忍使西土罹烽烟會看兵氛一掃盡綏
邦同此歌豐年

水閣看夜船燈火

白雲渡口水明樓看盡城中夜舫遶燈火頓成星海沸
亭臺都在月宮浮三更歌管猶呼酒兩岸簾櫳不下鉤
贏得老夫憑檻坐聽人錯喚作遨頭

連日競渡再賦

競渡傳從楚歲時爲投角黍弔湘纍誰知千載沉湘痛
翻與人間作水嬉

上至邗江下虎邱龍船總不及常州大科奪錦無人得

卻彷彿毬場賭狀頭

時已毀試郡城中無一甲者

噴雪中流爪鬣張不徒旌旆盡飛揚岸邊萬扇搖風處
也似金鱗閃日光

多少遊船載豔粧朦朧都掛繡簾藏不教人見教人想
風過微聞茉莉香

雲渡晴波鏡面平夜船燈采更晶熒依稀四十年前夢
蹋鼓東華聚火城

里閭徵逐總交親今日歡場少一人何處非君共遊地

不堪重觸履綦塵

傷曉東之歿也

欲禁奢靡意本良翻教毒手奮交相

指去

挽回風氣非吾

甌北集

卷四

五

事且逐酣嬉舉國狂

綵幔高張俯碧流
豪門坐召四龍舟

東門鱣商孫氏

蒲鞵船上

常州蘆蓬

船號蒲鞵船

茅柴酒慚愧書生作冶遊

是日邀同人舟泛

所見

著簪一隊坐遊船
白紵新衫自覺妍
猶恐有人笑寒儉
憑舷手數買花錢

五月十三日相傳關壯繆生辰
常城例具雲車數十座
作神會今歲屆期大雨竟日
雲車遂不能出
龍舟亦停戲賦

龍舟猶鬪彩霞紅
又聳雲車絢半空
一雨磨刀都嚇退

殺風景究是英雄

俗以是日雨謂壯繆磨刀雨

偶有遺忘問之稚存輒錄示原委老夫欣得此行
秘書矣無以爲報擬質一事卽勞以酒一壺戲
書此爲券

年老苦健忘又懶尋故牘每當數典處捫管瞪兩目逡
迒洪景廬便便五經腹我欲納屨質所疑惟恐括囊秘
弗告豈知華鯨待撞莛直爲亡羊追逋足憑君胸羅儲
侍多供我耳食取攜速共誇到老尚弩強誰識從旁有
刀捉快哉得此行秘書讀萬卷如爲我蓄安世能備三
篋亡張巡遍記一城熟予取予求不汝瑕何以報之心
愧惡欲將文通殘錦贈君才自有天機穀欲作曹邱寸
舌揚君名已播風輪軸聊援酒甌借書例一事勞以酒

一斛只愁醉後發狂言笑我南華不曾讀

題洪崑霞秋山讀書圖爲其曾孫稚存編修作

六六峰前黃葉村讀書亭館記洪源至今詩法傳家學
猶說初唐杜審言

讀書種子植根深畱與孫曾振藝林東觀西清總餘澤
人間何物滿籬金

梁公像已沿門售張璪圖曾染練裁不是後人蘭錡盛

楚弓那得去還來

圖久失去稚存復得之於揚州

批閱唐宋詩感賦

歷朝詩帙重披尋掩卷蒼茫感不禁千古真如飛鳥過

黃山谷詩驚古飛鳥過

四時何限候蟲吟子雲著述立仍自逸少胸懷

後視今贏得老夫長歛手
剩誇惜墨貴如金

贈寫

御容繆象斌兵曹

得柔樹世繪事精摩詰
前身畫師變一技成名非偶然
不有夙根曷獨擅繆君束髮初讀書
握管輒能肖人面
瞥眼妍媸無遁形
智出無師神活現
後來遭際卽由此
致身遂直披香殿
曾蒙

先帝召寫真
香案旁先置筆硯
絳紗月斧光照臨
繡闥綺疏景清晏
守門老監侍巾瓶
直閭將軍帶刀劍
一聲宣喚閭立本
誰不聞呼心膽戰
君也從容拜稽首
膝席仰觀日弗眩
伏地心方切悚惶瞻

天象已得魏煥起草寧須九朽更著色略施五采絢斯
須丈二新圖成傳示六宮悉稱善神哉技乃至乎此人
巧天機成一片希雅漫學金錯刀曹霸枉誇大羽箭憶
昔逢君未遇時曾寫我於巖壑畔一彈指頃二十年觀
河已異昔時兒所愁戴琬封臂嚴兼恐米仁吮毫倦倘
還肯貌尋常人我有一正好束絹

雨霽

經旬其苦雨如傾我道長陰必有晴天果落吾神箕內
今朝霽色滿聰明

江陰道中遇順風

逆風翁忽順風多百里程途半日過卻看來船牽纜苦

我雖自幸亦憐他

暑雨

暑雨今年劇天容潑墨圖頽雲張破敗重霧呂糊塗敢
厭泥行滑聊欣稍把粗江湖無國事惟有頌多稔

放生河

放生河上放生碑禁斷人間網罟施可惜游鯈不識字
不知來此避漁師

卽事

到處賓筵坐最先衆中諧謔獨淒然老來四顧無同輩
得不歡場逐少年

文章得失寸心知英俊紛紛各負奇我樂受降城已就

卷之三
三
奈他不肯豎降旗

北集卷四十二終